

四庫全書

集部

欽定四庫全書

集部

文苑英華卷二百二十三

詳校官太僕寺少卿_臣李廷欽

助教_臣常循覆勘

總校官進士_臣朱鈐

校對官編修_臣盧燧

謄錄監生_臣劉禮

欽定四庫全書

文苑英華卷二百二十一

宋 李昉等 編

釋門三

五十九首

戴叔倫三首

權德輿四首

朱放一首

于鵠三首

戎昱一首

鄭常一首

崔子向一首

劉商一首

李涉一首

王建一首

楊巨源四首

楊衡二首

韓愈一首

陳羽三首

劉禹錫十五首

孟郊二首

白居易十五首

送少微上人入蜀

戴叔倫

十方俱是夢

集作知不繫

一念偶尋山望刹經巴寺持瓶向

蜀關亂猿心本定流水性長閒世俗多離別

集作恨

王城

幾日還

送道虔上人遊方

前人

律儀通外學詩思入禪

集作
玄

關煙景隨緣到風姿

集作
標

與道閒貫花留靜室呪水度空山誰識浮雲意悠悠天
地間

送嵩律師頭陀寺

前人

相傳五部學更有一人成此日靈山去

集作此夕
分身去

何方

半座迎麻衣逢雪煖草履

集作
屐

躡雲輕若見中林石應

知第四生

湖上晚望

集作眺

呈惠上人

權德輿

湖上煙景好鳥飛雲自還幸因居止近日覺性情閒獨

酌乍臨水清機常見山此時何所憶法

集作淨

侶話玄關

送映師歸本寺

見集本

前人

還歸柳寺去遠遠出人群苔甃桐花落山窓桂樹薰引
泉通絕澗放鶴入孤雲幸許宗雷到清談不易聞

送文暢上人東游

見集本

前人

桑門許辯才外學接宗雷護法麻衣淨翻經貝葉開宗

通知不染望想自堪哀載一作結西方社師遊早晚迴

酬靈徹上人以詩代書見寄時在薦福寺坐夏

前人

蓮花出水地無塵中有南宗了義人已取貝多翻半字

還將陽燄喻三身碧雲飛處詞集作詩偏麗白月圓時性

本真更喜開緘銷熱惱西方社裏舊相親

靈集作雲門寺贈靈一上人 朱攸

所思勞旦集作日夕惆悵去相東禪客知何在春山幾處

同獨行殘雪裏相見暮雲中請住東林寺彌年事遠公

題蘭若僧

于鵠

一身禪誦苦灑掃古花宮靜屋門常閉深蘿月不通懸
燈喬木上鳴磬亂幡中附入高僧傳長稱二遠公

樹下禪僧

前人

久行多不定樹下是禪房寂寂身無住年年日自長蟲
蛇同在澗草木共經霜已見南人說天台有上方

題北臺僧

一作寺

前人

上方唯一室禪坐對金容行道臨孤壁持齋聽遠鐘枯
藤離舊樹朽石落危集作峯不向雲間一作見唯集作
應夢裏逢

此詩二百二十六卷重出今已削去注異同為一
作

送亮法師

戎昱

達士心無滯他鄉總是家問經翻貝葉論法指蓮花欲
契真空義先開智慧牙不知飛錫後何處是恒沙

送頭陀赴廬山寺

鄭常

僧家無住着早晚出東林
得道無真相頭陀是苦心
持齋山果熟倚錫野雲深
溪寺誰相待香花與梵音

送惟祥律師自越歸義興

崔子向

陽羨諸峯頂何曾異剡山
雨晴秋到寺木落夜開關
縫衲紗燈亮看心錫杖閒
西方知社散未得與師還

送清上人往湖南

劉商

閒出東林日影斜
稻苗深淺映袈裟
船到南湖風浪靜

可憐秋水照蓮花

清溪山居送僧

李涉

失意因休便買山
白雲深處寄柴關
若逢城邑人相問
報道花時也不閒

寄舊山僧

王建

因依老宿發心初
半學脩心半讀書
雪夜每常同屋集作
席卧花時未省兩
山居獵人箭底求
傷鴈釣戶竿頭救
活魚一向風塵取
煩惱不知衰病日
難除

和權相公南園閒涉寄廣宣上人

楊巨源

浩氣抱天和閒園載酒過步因秋景曠心向晚雲多翠
玉思迴鳳玄珠肯在鵝問一作湯師登幾地空性奈詩何

供奉定法師歸安南

前人

故鄉南越外萬里白雲峯經論辭天去香花入海逢鷺
濤清梵徹蜃閣化城重心到長安陌交州後夜鐘

送定師歸蜀

法師即詩僧
廣宣兄弟

前人

鳳城初日照紅樓禁寺公卿識惠休詩引棣花霑一雨
經分貝葉向雙流孤猿學定前山夕遠鴈傷離幾地秋
空性碧雲無處所約公曾許剡溪遊

送澹公歸嵩山龍潭寺葬本師

前人

野煙秋水蒼茫疑遠禪境真機去住閒雙樹為家思舊

壑千花成塔禮寒山洞宮曾向龍邊宿雲徑應從鳥外
還莫戀本師金骨地空門無處復無關

送徹公

楊衡

白首年空度幽居俗豈知
敗蕉依晚日孤鶴立秋墀
久客何由造禪門不可窺
會同塵外友齋沐奉威儀

同前

前人

北風吹霜霜月明荷葉枯
盡越水清別來幾度龍宮宿
雪山童子應相迎

廣宣上人頻見過

韓愈

三十集作百六旬長擾擾不衝風
雨即塵埃久為朝士無

裨補空媿高僧數往來學道窮年何所得吟詩竟日未能迴天寒古寺遊人少紅葉窻前有幾堆

送遠上人

陳羽

十年勞遠別一笑喜相逢又上青山去青山千萬重

酬幽居閒上人喜及第後見贈

前人

九霄心在勞相問四十人間豈足驚風動自然雲出岫高僧不用笑浮名

洛下贈徹公

前人

天竺沙門洛下逢請為同社笑相容支願忽望碧雲裏
心愛嵩山第幾峯

送元曉上人歸稽亭

劉禹錫

重疊稽亭路山僧歸獨行遠峯斜日影本寺舊鍾聲徒
侶問新事煙雲含別情應誇乞食處踏遍鳳凰城

以下三十二篇並見集本

贈別君素上人

前人

窮巷唯秋草高僧獨扣門相歡如舊識問法到無言水
與風生浪珠非塵可昏去來皆是道此別不銷魂

送深法師遊南岳

上人本在集
作住資聖寺

前人

師在白雲鄉名高

集作
登

善法堂十方傳句偈八部會壇

場飛錫無定所寶書留舊房唯應銜草鴈相送至衡陽

送如智法師遊辰州兼寄許評事

前人

前日過蕭寺看師上講筵都人禮白足施者散金錢方
便無非教經行不廢禪遙知習居士發論待彌天

贈日本僧智藏

前人

浮盃萬里過滄溟遍禮名山適舊扁

集作性靈

深夜降龍潭

水黑新秋放鶴野田青身無彼我那懷土心會真如不
讀經為問中華學道者幾人雄猛得寧馨

贈別約法師

前人

師逢吳興守相伴住禪扃春雨同栽樹秋風對講經廬

山曾結社桂水遠揚舲話舊還惆悵天南望柳星

送慧則法師歸上都因呈廣宣上人

前人

昨日東林看講時都人乘馬踏瑠璃雪山童子應前世
金粟如來是本師一錫言歸九城路三衣曾拂萬年枝
休公久別如相問楚客逢秋心更悲

廣宣上人寄在蜀與韋令公唱和詩卷因以令

公手札答詩示之

前人

碧雲佳句久傳芳，曾向成都住草堂。
振錫常過長者宅，披文猶帶令公香。
一時風景添詩思，八部天人一作天人入道場。
若許相期同結社，吾家本自有柴桑。

送僧元暲南遊

前人

寶書翻譯學初成，振錫如飛白足輕。
彭澤因家凡幾世，靈山頂會是前生。
傳燈已寤一作悟無為理，濡露猶懷罔極情。
從此多逢大居士，何人不願解珠璣。

送宗密上人歸南山草堂寺因詣河南尹白侍

郎

前人

宿習脩來得慧根，多聞第一却忘言。
自從七祖傳心印，不要三乘入便門。
東泛滄江尋古跡，西歸紫閣出塵喧。
河南白尹大檀越，好把真經相對翻。

送義舟師却還黔南

前人

黔江秋水浸雲霓，獨泛慈航路不迷。
猿狖窺齋林葉動，蛟龍聞呪浪花低。
如蓮半偈心常悟，閔集作問非菊新詩手

自携常說摩圍

集作國非

似靈鷲却將山屐上丹梯

送鴻舉遊江南

前人

禪客學禪兼學文
出山初似無心雲
從風卷舒來何處
繚繞巴江不得去
山川古寺好閒居
讀盡龍王宮裏書
使君灘頭揀石硯
白帝城邊尋野蔬
忽然登高心瞥起
又欲浮盃信流水
煙波浩淼魚鳥情
東去三千三百里
荆門峽斷無盤渦
湘平漢濶清光多
廬山霧開見瀑布
曲江月淨聞漁歌
鍾陵八郡一作部多名守
半是西方社
中友與師相見
便談空想得高齋一作聲
獅子吼

送元簡上人適越

前人

孤雲出岫本無依，勝境名山即是歸。
久向吳門遊好寺，還思越水洗塵機。
浙江濤驚獅子吼，稽嶺峯疑靈鷲飛。
更入天台石橋路，垂珠璀璨拂山衣。

送寶韻上人遊天台

前人

曲江僧向松江見，又到天台見石橋。
鶴戀故巢雲戀岫，此君猶自不逍遙。

送惟良上人

前人

高齋灑寒水是夕山僧至玄牝無關鎖瓊書拾文字燈

明香滿室月午霜凝地語到不言時世間人自集作睡

贈高僧

集作文
應上人

孟郊

棲遲青山巔高靜身所便不踐有命地集作但飲無聲

泉齋性空轉寂學情深更專經聞開古葉衣製垂秋蓮

厭見俗人羣暫來此安禪集作還
却旋

送溪上人集作送清遠上人歸楚山舊
山寺一作國清上人遊蘇

前人

波中出吳境霞際登楚岑水寺一別來雲一作風蘿三改陰詩

誇碧雲句道證青蓮心應歎集作笑萍汎者不如集作知松隱深

郡齋月下集作暇日憶廬山草堂兼寄二林僧社三

十韻多叙貶官已來出處之意

白居易

諫諍知無補遷移分所當不能集作堪匡聖主祗合事空

王龍象投新社鷓鴣失故行沉吟辭北闕誘引向西方

便住雙林寺仍開一草堂平治行道地集作路安置坐禪

牀手板支為枕頭巾閣在墻先生烏几舄居士白衣裳

竟歲何曾悶終身不擬忙滅除殘夢想換盡舊心腸世

界多煩惱形神久損傷正從風鼓浪轉作日銷霜

佛經云生

死無休如風鼓浪又云煩惱如霜露慧日能銷除

吾道尋知止君恩偶未忘忽

蒙頌鳳詔兼謝

集作借

剖魚章蓮淨方依水蔡枯重仰陽

三車猶夕會五馬已晨裝去似尋前世來如別故鄉眉

低出鷲嶺腳重下蛇岡漸望廬山遠彌愁峽路長香爐

峯隱隱巴字水茫茫瓢掛留庭樹經收在屋梁春拋紅

藥圃夏憶白蓮塘唯

一作准

擬捐塵事將何答寵光有期

追永遠

晉宋間遠法師永禪師同隱廬山二林

無政繼龔黃南圃秋猶熱

西齋夜漸

集作暫

涼閒吟四句偈靜對一爐香身老同丘

井心空是道場覓僧為去伴留俸作歸糧為報山中侶
憑着竹下房會應歸去在松菊莫教荒

對小潭寄遠上人

前人

小潭澄見底閒客坐開衿

一作襟

借問不流水何如無念

心彼惟清且淺此乃寂而深是義誰能答明朝問道林

與僧智如夜話

前人

懶鈍尤知命幽棲漸得明
門間無謁客室靜有禪僧
爐向初冬火籠停半夜燈
憂勞緣智巧自喜百無能

寄山僧

前人

眼看過半百早晚掃巖扉
白首誰能住青山自不歸
百千萬劫障四十九年非
會擬抽身去東風抖擻衣

晚春登大雲寺南樓贈常禪師

前人

花盡頭新白登樓意若何歲時春日少世界苦人多愁
醉非因酒吟悲不是歌求師治此病唯勸讀楞伽

此詩三百十卷重出今已削去

送文暢上人東遊

前人

得道即無著隨緣西復東貌依年臘老心到夜禪空山
宿馴溪虎江行瀟水蟲悠悠塵客思春色滿雲中

正月十五日夜東林寺學禪偶懷藍田楊六主

簿因呈智禪師

前人

新年三五東林夕星漢迢迢鐘梵遲花縣當君行樂夜
松房是我坐禪時忽看月滿還相憶始歎春來自不知
不覺定中微念起明朝更問鴈門師

贈草堂宗密上人

前人

吾師道與佛相應念念無為法法能口藏宣傳十二集
五部心傳照耀百千燈盡離文字非中道長住虛空是
小乘少有人知菩薩行世間盡是重高僧

春憶二林寺舊遊因寄朗滿晦三上人

一別東林三度春
每春長似憶情親
頭陀會裏為逋客
供奉班中作老臣
清淨久辭香火伴
塵勞難索幻泡身
最慙僧社題牆

一作名
又作橋

處十八人名空

一作中

一人

題孤山寺山石榴花示諸僧衆

前人

山榴花似結紅巾
容艷鮮

集作新

妍占斷春色相
故開行

道地香塵擬觸坐
禪人瞿曇弟子君
知否恐是天魔女

化身

廣宣上人以應制詩見示因以贈之詔許上人居

安國寺紅樓院以詩供奉

道林談論惠休詩一到人間

集作天

便作師香積筵承紫

泥詔昭陽歌唱碧雲詞紅樓許住請

平聲

銀鑰翠輦陪行

踏玉墀惆悵甘泉曾侍從與君前後不同時

蕭相公宅遇自遠禪師有感而贈

前人

宦途堪笑不勞悲昨日榮華今日衰轉似秋蓬無定處

長于一作春夢幾多時半頭白髮慙蕭相滿眼紅塵問

遠師應是世間緣未盡欲拋官去尚遲疑

山下留別佛光和尚

前人

勞師送我下山行此別何人識此情我已七旬師九十
當知後會在他集作生

贈別宣上人

前人

上人處世界清淨何所似似彼白蓮花在水不著水真
空集作悟幻泡行潔離塵滓脩道來幾時身心俱到此

嗟余牽世網不得長依止
離念與碧雲秋來朝夕起

秋遊平泉贈韋處士閑禪師 前人

秋景引閒步山遊不知疲
杖藜捨輿馬十里與僧期
昔嘗憂六十四體不支持
今來已及此猶未苦衰羸
心興遇境發身力因行知
尋雲到起處愛泉聽滴時
南村韋處士西寺閑禪師
山頭與澗底閒健且相隨

文苑英華卷二百二十一

欽定四庫全書

文苑英華卷二百二十二 宋 李昉等 編

釋門四七十首

呂溫一首

張籍六首

姚合十首

于武陵二首

賈島二十首

釋無可十一首

劉得仁八首

朱慶餘三首

周賀九首

送文暢上人東遊

呂溫

隋緣聊振錫高步出東城月上

集作水上

無恒地雲行不計

程到時為彼岸過處即前生今日臨岐別吾徒自有情

送顯法師往太原

集作送僧遊五臺

兼謁李司空

張籍

遠去見雙節因行上五臺化雲

集作樓

侵晚

集作曉

出隱路

到

集作雪路向

春開邊寺看烽過

集作連烽去

胡兒聽法來定知

巡禮後解夏始應迴

送闍僧

前人

幾夏京城住今朝獨遠歸
脩行四分律護淨七條衣
溪寺黃橙熟沙田紫芋肥
九龍潭上路同去客應稀

送閑師歸江南

前人

遍住江南寺隨緣到上京
多生脩律業外學得書

集作詩

名講殿偏追入齋家得請行
青楓鄉路遠幾日盡歸程

贈律師

前人

苦行長不出清羸最少年
持齋唯一食尋律不

集作講律豈

曾眠避草每移徑
瀘蟲還入泉
從來天竺法
到此幾人傳

山中贈日南僧

前人

獨向雙峯老
松門閉兩崖

集作
涯

翻經上蕉葉
挂網

集作
衲

落橙

集作
藤

花毳石新開
井穿林自種
茶時逢海南
客蠻

語問誰家

贈箕山僧

前人

久住空林下
長齋耳目清
蒲團借客坐
石磴毳人行
似

鶴難知性因山強號名時聞衣袖裏闍指念珠聲

寄元緒上人

姚合

石窓紫蘚牆此世此情涼研露題詩潔銷冰煮茗香
雲春影薄孤磬夜聲長何計休為吏從師老草堂

郡中書事寄默然上人

前人

郡中饒野思

集作興

過客亦淹留看月江樓曉尋山石徑

秋竟歸何處老誰免此生愁長愛東林寺

集作子

安禪百

事休

送贈默然

前人

出家侍母前至孝自通禪
伏日江頭別秋風檣下眠
烏聲猿更促石色樹相連
此路多如此師行亦有緣

寄白石師

前人

白石師何在師禪白石中
無情雲可比不食鳥難同
屨下蒼苔雪龕前瀑布風
相尋未有計只是禮虛空

送僧遊邊

前人

師向邊頭去邊人業障輕
腥羶齋自潔部落講還成
傳

教多離寺隨緣不計程三千世界內何處是無生

寄無可上人

前人

十二門中寺詩僧寺獨幽多年松色別後夜磬聲秋見

世果皆熟

集作慮皆盡
又作果皆論

來生事更脩終期

集作
湏

執瓶鉢

集作
屨相逐入牛頭

常州贈僧

前人

一住毗陵寺師應只信緣院貧人施食窓靜鳥窺禪古

磬聲難盡秋燈影

集作
色

更鮮仍聞開講日湖上少魚船

送真寶上人歸杭州天竺寺 前人

石橋寺裏最清涼，聞說茅庵寄上方。
林外猿聲連曉磬，

集作院磬
又作磬韻

月中湖色到禪牀。他生念我身何在此世，唯

師性亦忘凡陌，相逢千里別青山。重疊樹蒼蒼

送無可上人游越

前人

清晨相送

集作訪

立門前，麻履方袍一少年。懶讀經文求

作佛願，攻詩句覓成仙。芳春山影花連寺，觸夜潮聲月

滿船。今日送行偏惜別，共師文字有因緣。

寄靈一律師

前人

梵書抄律千餘紙
靜院焚香獨受持
童子病來煙火絕
清泉漱口過齋時

夜尋僧僧遊山未歸

于武陵

數歇渡煙水
漸非塵俗間
泉聲入秋寺
月色遍寒山
石路幾迴雪
竹房猶閉關
不知雙樹客
何處與雲間

訪僧不遇

前人

人間唯此路
獨得

一作長

綠苔衣及戶
無行跡
遊方應未

歸平生何限事到此盡知非獨倚松門久陰雲昏翠微
寄無可上人

賈島

僻寺多高樹涼天憶重遊磬過溝水盡月入草堂秋穴
蟻苔痕靜藏蟬栢葉稠名山思徧往早晚到嵩丘

寄龍池寺真空二上人

前人

受請終南住俱妨去石橋林中秋信絕峯頂夜禪遙寒
草煙藏虎高僧月照鵬霜天期到寺寺置即前朝

寄毗陵徹公

前人

身依吳寺老黃葉幾迴看早講林霜在孤禪隙月殘井
通潮浪遠鐘與角聲寒已有南浮約誰言禮謁難

寄默公

前人

已知歸白閣山遠曉

集作晚

晴看石室人心靜冰潭月影

殘微雲分片滅古木落新乾夜後風飄磬

集作後夜誰聞磬

西

峯絕頂寒

內道場僧宏紹

前人

麟德燃香請長安春幾迴夜聞同像寂晝定為吾開講

罷松根老經浮海水來六年雙足履只步院中苔

僻居無可上人相訪

前人

自從居此地少有事相關積雨荒鄰圃秋池照遠山
硯中枯葉落枕上斷雲閒野客將禪子依依偏往還

贈莊上人

前人

一作耿湓

不語焚香坐心知道已成流年衰此世定力見他生
暮雪餘春冷寒燈續晝明尋常五侯至敢望下堦迎

此詩二百三十五卷重出今已削去注異同為一

作

喜無可上人遊山迴

前人

一食復何如尋山無定居相逢新夏滿不見半年餘聽
話龍潭雪休傳鳥跡

集作道

書別來還似舊白髮日高梳

送天台僧

前人

遠夢歸華頂扁舟背嶽陽寒蔬脩淨食夜浪動禪牀鴈
過孤峯晚猿啼一樹霜身心無別念餘習在文章

送無可上人

前人

圭峯霽色新送此草堂人塵尾同離寺蒼鳴暫別秦獨
行潭底影數息樹邊身終有煙霞約天台作近隣

送僧歸天台

前人

辭秦經越過歸寺海西峯石澗雙流水山門九里松曾
聞清禁漏却聽赤城鐘妙字研磨講應齊智者蹤

送敬法師

前人

度歲不相見嚴冬知出關孤煙寒色樹高雪夕陽山瀑
布寺應到牡丹房甚寒南朝遺跡在此去幾時還

送僧

前人

此生披衲過在世得身閒日午遊都市天寒往華山言
歸文字外意出有無間仙掌雲邊樹巢禽時出關

送神邈法師

前人

柳絮落濛濛西州道路中相留春忽盡獨去講初終行
疾遙山雨眠遲後夜風遶房三兩樹迴日葉應紅

送慈恩寺霄韻法師謁太原李司空

前人

何故謁司空雲山知幾重磧遙來鴈盡雪急去僧逢清
磬先寒角禪燈徹曉峰舊房間片石傍着最高松

送知興上人

前人

久住巴興寺如今始拂衣欲臨秋水別不向故山歸錫
挂天涯樹房間集作開嶽頂扉下看萬里曉霜海日生微

送安南惟鑒法師

前人

講經春殿裏花繞御牀飛南海幾迴度集作過舊山臨老

歸觸風香損印霑雨磬生衣雲水路迢遶集作潮遙蠻
草落月濕島

松微空水
既如彼
往來消息稀

送覺興上人歸中條山兼謁河中李司空

前人

又憶西巖寺秦原草白時
山尋樵徑上人到雪房遲暮
壑潭泉凍荒林野火移
聞師新譯偈說擬對旄麾

贈僧

前人

從來只一作多是遊山水
省泊禪舟月下濤初過石橋年

尚少久辭天柱臘應高
青松帶雪懸銅錫白髮如霜落

鐵刀常恐畫工

一作師

援筆寫身長七尺有眉毫

寄無得頭陀

前人

夏臘今應三十餘不離樹下塚間居貌堪良匠抽毫寫
行稱高僧續傳書落澗水聲來遠遠當空月色自如如
白衣只在青門裏心每相親跡且疎

冬日喜緒法師往岐陽禮塔迴

釋無可

久思今欲來雙履滑青苔掃雪從雲起過房禮塔迴句

留閒夜作禪，請暫時開欲作孤雲去。此時余不才。

秋夜寄龍池寺真空二上人 前人

夜來思道侶，木葉向人飄。精舍池邊古，秋山下遙磬。
聲徹幾里雲，白已終宵未。得同居止處，儵然自寂寥。

冬日寄青龍寺源上人

高僧詩作
冬夜寄僧

前人

斂屨入寒竹，安禪過漏聲。高杉殘子落，深井凍痕生。罷
磬風枝動，懸燈雪屋明。何當招我宿，乘月上方行。

寄興善寺崔律師

前人

沐浴前朝像深秋白髮師從來居此寺應一作未省有東

池幽石叢圭片孤松動雪枝頃曾聽道語別起遠山思

寄圭峯宗密師

前人

絕壑禪牀底泉分落石層霧交高頂草雲影下方燈朝

滿傾心客溪連學道僧半旬高僧詩作持時一食此行高僧詩作

事有誰能

送清徹遊太白山

前人

卷經歸太白躡蘇別蘿龕若履浮雲上須看積翠南倚
身松入漢暝日月離潭此境堪長往塵中事可諳

送覺法師往中條舊隱

前人

夜葉動飄飄寒來話數宵卷經歸物外轉雪下山椒舊
坐杉松大難行石水遙元戎宗內學應就白雲招

送顯法師太原講兼謁李司空

前人

近臘辭精舍并州謁上公路長山忽盡塞廣雪無窮講

席開晴壘禪衣涉遠風聞經諸弟子應滿北門中

冬晚姚諫議宅會送元緒上人歸山

前人

禪客詩家見凝寒忽過還分題迴諫筆留偈出商關盤
徑緣高雪開房在半山自知麋鹿性亦欲離人間

林下對雪送僧歸草堂寺 前人

殘臘雪紛紛林間起送君苦吟行迴野投跡向寒雲絕
頂晴多去遙泉凍未聞唯應草堂寺高枕脫人羣

送契公自桂陽赴南海

前人

南行登嶺首與俗洗煩埃磬罷孤舟發禪移積瘴開午
飡湘鳥下朝講海人來莫便將經卷炎方去不迴

送知金

集作全

禪師南遊

劉得仁

師譽振京城談空萬乘聽北行山已雪南去木猶青夜
嶽禪銷月秋潭汲動星迴期不可定孤鶴在高冥

送智元首座歸蜀中舊山

前人

像教得重興因師說大乘從來悟明主今去證高僧蜀

國煙霞異靈山水月澄鄉閭諸善友喜似一作似喜見南能

送僧歸玉泉寺

前人

玉泉歸故里

集作寺

便老是心期亂木孤蟬後寒山絕鳥

時若尋流水去轉出白雲遲見說千峯路溪深復頂危

寄樓子山雲棲上人

前人

一室鑿崔嵬危梯疊蘚苔永無塵事到時有至人來澗
谷冬深靜煙嵐日午開脩心知得地京寺未言迴

冬夜寄白閣僧

前人

營營不自停

集作相息

睽濶隔年情林下期難遂人間事旋

生鳥棲寒木迥月映積冰清石室焚香坐懸知笑為名

和范校書贈造微上人

前人

得性見微公何曾執着空脩心將佛並吐論與儒通曉
漱松杉下宵禪雪月中他生有緣會君子亦應同

寄無可上人

前人

省學為詩日宵吟每達晨十年期是夢一事未成身枉
別山中客殊非世上人今來已如此須得桂榮新

晚步曲江因謁慈恩寺恭上人

劉得仁

豈曰趨名者年年待命通
坐吟青嶂上興起白雲中
岸浸如天水林含似雨風
南宗猶有碍西寺問恭公

送侶上人北遊

集作侶上人入秦

朱慶餘

獨去何人見林塘共寂寥
生緣聞磬早覺路出塵遙
江雪沾新草秦園發故條
心知禪定處石室對

一作芭蕉映

送僧還太原謁李司空

前人

已共隣房別，應無更住心。
中時過野店，後夜宿寒林。
寺去人煙遠，城連塞雪深。
禪餘得新句，堪對上公吟。

送僧遊廬山

前人

客行皆有求

集作為

師去是閒遊，野望携金策。
禪棲倚石

樓山深，松翠冷潭靜。
菊花秋幾處，題青壁。
袈裟濺瀑流。

送靈應禪師

周賀

寒天仍遠去，離寺雪霏霏。
古跡曾重到，生緣不暫歸。
坐禪山店迥，補衲夜煙微。
巡禮何時住，相逢的是稀。

送僧歸靈夏

前人

南遊多老疾

一作病

見說講經稀塞寺幾僧在邊城空自

歸帶河衰草斷映月早沙飛却到禪齋後邊軍識衲衣

送僧還南嶽

前人

辭僧下水棚因夢嶽鐘聲徑

集作遠

路獨歸寺幾時重到

城風高寒木落雨絕夜堂清自說深居後隣州亦不行

寄林禪師

前人

絕頂無禪侶長懷落髮師齋居門掩雪講徹樹生枝沙

井泉澄疾秋鐘韻盡遲里中還受請又與赤城期

贈如空上人移居大雲寺向中

集作齊集作去中齊

前人

竹溪人請住何日向中峯瓦舍山情少齋心病色濃臘
高移坐次菊淺露行蹤來往一作嘗記湓城下三年兩度逢

絕粒僧

前人

一齋難過日况復更休糧養力時行道聞鐘不上堂唯
留煨藥火不寫化銀金一作方舊有山厨在從僧請作房

贈幻法師

前人

北京一別後吳越幾聽砧住久白髮

一作髭

出講長枯葉

深

集作黃葉深

香連隣舍像聲徹遠巢禽寂默聞高道

集作寂默

應難問

何人是

集作識

此心

四明蘭若贈寂禪師

前人

叢木開風徑過從白晝寒舍深原草合茶疾竹枝乾夕
雨生眠興禪心少話端頻來各無事盡日坐相看

送忍禪師歸廬嶽

前人

浪匝湓城嶽壁青白頭僧去掃

一作掩

禪扃龕燈度雪補

殘衲山日上軒看舊經瀑布下冰寒溜澁辟蘿逢雨曙
煙腥已知身事非吾道甘卧荒齋竹滿庭

文苑英華卷二百二十二

欽定四庫全書

文苑英華卷二百二十三 宋 李昉等 編

釋門五

六十
五首

溫庭筠九首

方干十首

李洞七首

張祐七首

許渾四首

雍陶二首

李商隱二首

姚鵠一首

項斯四首

趙嘏五首

馬戴六首

顧非熊三首

李頻五首

贈楚雲上人

溫庭筠

松根滿苔石盡日閉禪關有伴年年月無家處處山煙
波五湖遠瓶屨一身閒岳寺蕙蘭晚幾時幽鳥還

贈越僧岳雲

集作雪

二首

前人

蘭亭舊都講今日意如何有樹闌深院無塵到淺莎僧
居隨處好人事出門多不及新春鳥

集作鴈

年年鏡水波

二

世機銷已盡巾屨亦飄然一室故山月滿鉞秋澗泉禪
庵過微雪鄉寺隔寒煙應共白蓮客相期松桂前

宿白蓋峰寺寄僧

前人

山房霜氣晴一宿遂平生閣上見林影月中聞澗聲佛
燈銷永夜僧磬徹寒更不學何居士焚香為宦情

渚宮晚春寄咸秦上人

前人

風華已渺然獨立思江天鳧鴈野塘水牛羊春草煙秦

原晚重疊瀾浪夜潺湲今日思歸客愁容滿鏡前

送僧東遊

前人

師歸舊山去此別已悽然燈影秋江寺蓬聲夜雨船
鷗飛吳市外麟卧晉陵前若到東林社誰人更問禪

盤石寺留別成公

前人

槲葉蕭蕭帶葦風寺前歸客別支公三秋岸雪花初白
一夜林霜葉盡紅山疊楚天雲壓塞浪遙吳苑水連空
悠然旅榜頻迴首無復松窓半偈同

寄清源一作涼寺僧

前人

石路無塵竹逕開昔年曾伴戴顓來
窓間半偈聞鐘後

松下殘碁送客迴簾一作簷向玉峯藏一作籠夜雪砌因藍

或作流水長秋苔白蓮社一作會裏如相問為說一作說與遊人

是姓雷

此詩二百六十一卷重出今已削去注異同為一

作

訪知元上人過暴經因有贈 前人

縹帙無塵滿畫廊
終山弟子靜焚香
惠能未肯傳心法
張湛徒勞與眼方
風颺檀煙銷篆印
日移松影過禪牀
客兒自有翻經處
江上秋來蕙草荒

送鏡空上人遊江南

方干

去住如雲鶴飄然
不可留何山逢後夏
一食在孤舟
細雨蓮塘晚
踈蟬橘岸秋
應懷舊溪月
夜過石窻流

贈雪竇峯禪師

前人

飛流

集作泉

濺禪石瓶屨每

集作注亦

生苔海上山不淺
天邊

人自來度年隨檜栢獨夜任風雷獵者聞踈磬知師入

定迴

贈瑪瑤禪師歸京

集作贈瑪瑤山禪者

前人

蒲集作菰

草不停獸因師山更靈村林朝乞食風雨夜開

扁井味兼松粉雲根著藻鉗塵勞如醉夢到此暫能醒

寄石湓清越上人

前人

寺處唯高僻雲生石枕前靜吟應

集作因

得句獨夜不妨

禪窓接停猿樹岳飛浴鶴泉相思有書札俱倩獵人傳

贈詩僧懷觀

集作靜

前人

多生餘習在時復却微吟坐夏莓苔匝

集作合

行禪檜栢

深入山成白首學道是初心心地不移變徒勞

集作云

寒

暑侵

贈鏡公

前人

幽獨迢遙夜夜清神更聞高風吹越國

集作樹

細露濕湖

山月皎微吟後鐘鳴不寐間如教累簪組此興定

集作豈

相關

贈乾素上人

前人

苦用貞心傳弟子即應低眼看公卿
水中明月無踪跡風裏浮雲可計程
庭際孤松隨鶴立窻間清磬學蟬鳴
料師多劫長如此豈算前生與後生

贈式上人

前人

縱居輦角喧闐處亦共雲溪邃僻同
萬慮全離方寸內

一生多

一作多
生半

在五言中芟荷葉上難留

集作
停

雨松桂

集作
檜

枝間自有風莫笑旅人終日醉
吾將大醉與禪通

思桐廬舊居便送鑒上人

前人

莫道東南路不賒，思歸一步是天涯。林中夜半雙臺月

嚴光釣臺渚
有東西臺

洲上春深九里花

桐廬有
九里洲

綠樹遶村含細

雨寒潮背郭，卷平沙。聞師却到鄉中去，為我殷勤謝酒家。

送僧歸日本

前人

四極雖云共二儀，晦明前後即難知。西方尚在星辰下，東域已過寅卯時。大海浪中分國界，扶桑樹底是天涯。

蒲帆若有歸風便到岸猶須隔歲期

送僧遊安南

李洞

春往海南邊秋聞半路蟬
鯨吹洗鉢水犀觸點燈船
島嶼分諸國星河共一天
長安却回日松偃舊房前

聽白公話舊

前人

險倚石屏風秋濤夢越中
前朝吟會破故國講流終
北地聞巴狄南山看磧鴻
樓高驚雨濶木落覺城空
兔滿期姚監蟬稀別塞公
淨瓶光照客拄杖朽生蟲
平地塔

千尺半天燈一籠祝堯譚幾句旋瀉海濤東

喜鸞公自蜀歸

前人

禁院閉生臺尋師到綠槐寺高猿看講鐘動鳥知齋拂
石月盈筵瀝泉花滿節歸來逢聖節吟步上堯堦

寄翠微無學禪師

前人

遠近衆心歸禪居占翠微展經猿識字聽法虎知非泉
注城池夢霞生侍衛衣玄機不可學何以一作似總無機

題贈遠上人

前人

海岳

一作島

兩無邊去來都偶然
齒因吟後冷心向靜中

圓蟲網花宮井鴻鳴

一作嘶

雨夜天葉書歸舊寺應附載

鐘船

寄淮海慧澤上人

前人

海濤浪滿舊征衣
長憶初程宿翠微
竹裏橋鳴知馬過

塔中燈露見鴻飛
眉毫

一作毛

別後應盈尺
巖木歸來已

幾園

集作歸來定數園

他日願師容
一榻煎茶掃地習忘機

集作

學志
機

欽定四庫全書

文苑英華

七

叙舊遊寄棲白

前人

老著重袍坐石房
竺經休讀白眉長
省衝鼇沒投江島
曾看魚飛倚海檣
曉爇凍盂原日氣
夜挑蓮碗禁燈光
吟詩五嶺尋無可
倏忽如今四十霜

贈仲儀

集作義

上人

張祐

星霜幾朝寺香火
靜中

集作居

人黃葉不驚意
青山無事

身拋生臺上月
結座履中塵
自說一乘果

集作詩課

別來時

更新

以下十首並見集本

高閑上人

前人

座上辭安國禪房戀沃洲道心黃葉

集作藥

老詩思碧雲

秋卷軸朝廷餞書函內庫收陶欣入社叟生怯論經儔

日色屏初揭風聲筆未休長波溢海岸

集作溢集作浮

大點出嵩

丘不絕羲之法難窮智永

集作禪知

流殷勤一牋在留著者

銀鈎

贈慧昌上人

前人

半巖開一室香穗細氤

集作氤

石上漱秋水月中行夏

雲律持僧講疏經譯

集作誦

梵書文好是風廊下飄飄挂

褐裙

寄靈徹上人

前人

老僧何處寺秋亭遶江濱獨樹月中鶴孤舟雲外人榮
華長指幻病久不一作自觀身應笑無成者滄洲垂一綸

此詩二百六十二卷重出今已削去

題

集作寄

靈隱寺師一上人十韻

前人

八十空門子深山
土木骸片衣閒自衲單
食老長齋道性終能遣
人情少不乖櫟枸居上院
薜荔俯層階洗鉢前臨水
窺門外有集作掩柴朗吟揮竹拂高揖
曳芒鞋迸

筓斜穿塢飛泉下噴崖
種花忻土潤撥石慮沙埋
舊住

師招隱初臨集作徵我詠懷何當緣集作脚當因興翫更為表

新牌

贈志凝上人

前人

悟色身無染觀空事不生道心長日笑覺路幾年行片
月山房靜孤雲海棹輕願為塵外契一就智珠明

毀浮圖年逢東林寺僧

前人

可惜東林寺空門

一作間

失所依翻經謝靈運畫壁陸探

微隙地泉聲在荒途馬跡稀殷勤話僧輩未敢保儒衣

早發中巖寺別契真人

許渾

蒼蒼松桂陰殘月半西岑素壁寒燈暗紅爐夜火深厨
開山鼠散鐘盡嶺猿吟行役方如此逢師懶話心

和友人送僧歸桂州靈巖寺 前人

楚客送僧歸故鄉海門帆勢落瀟湘碧雲千里暮愁合
白雪一聲春思長滿院草花平講石遶龕藤葉蓋禪牀
憐師不得隨師去已戴儒冠事素王

許渾集有詩二首其一題作和浙西劉三復
送僧南歸其一作和友人送僧歸桂州靈巖
寺今文苑英華既誤以送僧南歸為歸靈巖
寺又兩詩前四句同後四句異今注于下楚
客送僧歸桂陽海門帆勢極瀟湘碧雲千里
暮愁合白雪一聲春思長柳絮擁堤添袖軟
松花浮水注瓶香南宗長老
幾年別聞道半崑多影堂

送元晝上人歸蘇州兼寄張厚

前人

三年無事客吳鄉南宅春深

集作南
陷春園

碧草長共醉八門

迴晝舸還尋

集作
獨還

三徑掩書堂前山雨過池塘滿小院

秋歸枕簟涼經歲別離心盡苦何堪紅葉

集作
黃葉

下清漳

泊蒜山津聞東林寺光儀上人物故

前人

雲齋曾宿借方袍因說浮生大夢勞言下是非齊虎尾

宿來榮辱比鴻毛
孤舟千棹水猶濶
寒殿一燈夜更高
明日東林有誰在
不堪秋磬拂煙濤

贈宗靜上人

雍陶

世上方傳教
山中未得歸
閒花飄講席
馴鴿汗禪衣
積雨誰過寺
殘鐘自掩扉
寒來垂頂帽
白髮剃應稀

憶山寄僧

前人

塵路誰知踏
雪蹤到來空
認出雲峯天
晴遠見月中樹
風便細聽煙
際鐘闕一作慢
世數思僧並
院憶山長
羨鶴

歸松新愁舊恨都難說半在眉間半在胃

送臻師二首

李商隱

昔去靈山非佛席今來滄海欲求珠楞伽頂上清涼地
善眼仙人憶我無

二

苦海迷途去未因東遊過此幾微塵何當百億蓮花上
一一蓮花見佛身

送僧歸新羅

姚鵠

淼淼萬餘里扁舟發落暉滄溟何歲別白首此時歸寒
暑途中變人煙嶺外稀驚天巨鼇起集作蔽日大鵬飛
雪入行沙履雲生坐石衣漢風深習得休恨一作本心
違

寄石橋僧

項斯

逢師入山日道住石橋邊別後無人見秋來幾處蟬溪
中雲隔寺夜半雪添泉生有天台約應無却一作出緣

日東

一作僧

前人

雲水絕歸路來時風送船已無身後念猶坐病中禪深
壁藏燈影空窻出艾煙要人知是客白日指生緣

送僧

前人

靈山巡未遍不作住持心逢寺暫投宿是山皆獨尋有
時過靜界在處想空林從小即行脚出家來至今

送僧遊南岳

前人

心知衡岳路不怕去人稀船裏猶鳴磬溪頭自曝衣有
家從小別是寺却言歸料得逢寒住當船雪滿扉

贈天卿一作寺神亮上人師不下寺已五年

趙嘏

五看春盡此江濱
花自零風日自曛
空有慈悲隨物念
已無蹤跡在人羣
迎秋日色簷前見
入夜鐘聲竹外聞
笑指白蓮心自得
世間煩惱是浮雲

此篇二百三十八卷重出今已削去

題崇聖寺簡雲端僧錄
前人

暮塵飄盡客愁長
來扣禪關月滿廊
宋玉逢秋空雪涕

淨名無地可容牀
高雲覆檻千巖樹
踈磬含風一夜霜
迴首故園紅葉外
只將多病告醫王

尋僧

前人

溪戶無人百

一作谷

鳥飛石橋橫
木挂禪衣看雲日
暮倚

松立野水亂鳴僧未歸

越中寺居寄上主人

前人

野寺初容訪靜來
晚晴江上見樓臺
中林有路到花盡
一日無人一作愁
看竹迴自曬詩書
經雨後別留門戶為

僧開苦心若是酬恩事不敢吟春憶酒盃

此篇二百三十八卷重出今已削去

送僧歸廬山

前人

禪棲忽憶五峯遊去著方袍謝列侯
花啓樓臺千葉曙
錫含風雨一枝秋
題詩片石侵雲在
洗鉢泉香覆菊流
却憶前年別師處
馬嘶殘月虎溪頭

送僧歸金山寺

馬戴

金陵江色裏
蟬急向秋分
迴寺橫洲島
歸僧度水雲
夕

陽依岸盡清磬隔潮聞遙想禪林下鑪香帶月焚

集作對月

焚

寄終南真空禪師

前人

閒想白雲外了然清淨僧松門山半寺雨夜佛前燈此境可長往浮生自不能一從林下別瀑布幾成冰

齋後寄白閣僧

前人

蒼翠霾高雪西峯鳥外看久披山衲壞孤坐石床寒盥手水泉滴燃燈夜燒殘終朝老雲嶠煮藥伴中餐

贈禪僧

前人

弟子人天遍童年在沃州開禪山木長浣衲海沙秋振
錫搖汀月持瓶接瀑流赤城何日上鄙願從師遊

贈別空公

前人

雲門秋却入微徑久無人後夜中峯月空林百衲身寂
寥寒磬盡盥漱瀑泉新履跡誰相見松風掃石塵

集姚殿中宅期無可不至

見二百
十七卷

前人

送僧歸洞庭

顧非熊

江山萬萬重歸去指何峰未入連雲寺先齋越浪鐘鳥

香迴棧栢一作橘秋蔭出庵松若救吾人病須降震澤龍

贈覺真上人

前人

長安車馬地此院閑松聲新罷九天講舊曾諸岳行能
詩因作偈好客豈關名約我中秋夜共來看月明

寄太白無能禪師

前人

太白山中寺師居最上方獵人偷佛火櫟鼠戲禪牀定

久衣塵積行稀徑草長有誰來問法林杪過殘陽

冬夜山中尋僧

李頻

夜山深雪後月下獨尋師若得長閒日應無暫別時
寒凋欲盡泉凍落微遲即此天明去重來又未期

贈立規上人

前人

竹向空齋合無僧在四隣去雲離坐石斜月到禪身
樹老風終夜山寒雪見春不知諸祖後傳印自何人

送元遂上人

前人

白衣遊帝鄉已得事空王却返湖山寺高禪水月房雨

中過岳

一作月

黑秋後宿船涼迴顧秦人語他僧宿上方

送清江上人歸東林


前人

風濤幾千里歸路半乘舟此地難相別何人更共留坐
經嵩頂夏行值洛陽秋到寺安禪夕江雲過石樓

送僧之天台

前人

一錫隨緣起天台又去登長亭舊別路落日獨行僧夜
燒山何處秋帆浪幾層他時授巾拂莫說老無能



文苑英華卷二百二十三

欽定四庫全書

集部

文苑英華卷二百二十四

六至

詳校官太僕寺少卿臣李廷欽

助教臣常循覆勘

總校官進士臣朱鈐

校對官編修臣盧燧

謄錄監生臣劉禮

欽定四庫全書

文苑英華卷二百一十四

宋 李昉等 編

釋門六共十九首

薛能十一首

陳陶三首

羅鄴三首

司空圖二首

鄭谷七首

楊夔一首

周朴三首

杜荀鶴七首

張喬九首

張翥六首

曹松九首

羅隱三首

王貞白一首

裴說四首

冬日送僧歸吳中舊居

薛能

去掃東林下閒持未遍經望山低鑿牖容月廣開庭舊
業雲千里生涯水一瓶還應覓新句看雪倚禪局

送禪僧

前人

寒空孤鴈度落日一僧歸近寺路聞梵出郊風蒲衣步
搖瓶浪起孟夏磬聲微還坐棲禪所荒山月照扉

秋晚送無可上人

前人

半夜覺松雨照書燈悄然河聲纔浙瀝舊業近潺湲坐
滴寒更盡吟驚宿鶴遷相思不可見日短復愁牽

贈禪者

前人

門前雖有徑絕向世間行雜草因逢藥移花更得鶯甘
貧元是道苦學不為名莫恠蒼鬚晚無機任世情

贈禪者

一作
師

前人

夢想青山寺前年住此中夜堂吹竹雨春地落花風舊

句僧

一作師

曾見清齋我亦同浮生蹇莫問辛苦未成功

此詩二百六十四卷重出今已削去注異同為一

作

贈源寂禪師

前人

鉗鉢鎮隨腰怡然處寂寥師禪從北祖僧格似南朝性
近徒相許緣多愧未銷何傳能法慧此岸要津橋

贈禪師

前人

嗜欲本無性此生長在禪九州空有路一室獨多年鳴

磬微塵落移瓶濕地圓相尋偶同宿星月坐忘眠

夏日青龍寺尋僧二首

前人

帝里欲何待人間無闕遺不能安舊隱都屬擾明時
違理須齊辱雄圖豈藉知縱橫悉已悞斯語是吾師

二

得官殊未喜失計是忘愁不是無心速馬能有自由涼
風盈夏扇蜀茗半邢甌笑向權門客應難見道流

寄題巨源禪師

前人

風雨禪窓外應殘木槿花何年別鄉土一衲代袈裟日
氣侵餅暖雷聲動枕斜還當掃樓影天晚自煎茶

雲花寺寓居贈海岸上人 前人

暫寄空門未是歸上方林疑獨著儒衣吾師不語應相

問頻惹街

一作香

塵入寺飛

題贈高閒上人

陳陶

蒼筤花間客軒轅席上珍筆江秋菡萏僧國瑞麒麟內
殿初招隱曹溪得後塵龍蛇驚粉署花雨對金輪白馬

方依漢朱星又入秦劇談凌鑿齒清論倒波旬拂石先
天古降龍舊國春珠還合浦老龍去玉川貧鴛鴦輸
黃絹壇場遶白蘋鼎湖間入夢金閣靜通神海氣成方
丈山泉落淨中獼猴深愛月鷗鳥不猜人拂岳蕭蕭竹
垂空澹澹津漢姝難覓對荆璞本來真伊傅多聯璧劉
雷競買隣江邊有國寶時為劇疑星辰

酬元亨上人

前人

一衲淨居雲夢合秋來詩思祝融高何因知我津涯濶

遠寄東溟六巨鰲

寄元孚道人

前人

梵宇

一作楚寺

章句客佩蘭三十年長乘碧雲馬時策

一作借

翰林鞭曩事五岳遊金衣曳祥煙高攀桐君手左倚鸞
鷲肩哭玉秋雨中摘星春風前橫輶截洪偃憑儿見廣
宣爾來寤華胥石壁孤雲眠龍降始得偈龜老方巢蓮
內殿無文僧駟虞誰能牽因之問楚水弔屈幾潺湲

冬日廟中書事呈棲白上人

羅鄴

日高荒廟掩雙扉
杉迳無人鳥雀悲
昨日江湖一作湖起
歸思滿窻風雨覺
來時何堪身計長
如此閒盡爐灰却
自疑賴有碧雲吟
句客禪餘相訪說
新詩

秋日留別義初上人

前人

寒寺窮秋別遠師
西峯一鴈倍傷悲
每嗟塵世長多事
重到禪齋是幾時
霜嶺自添紅葉恨
月溪休和碧雲詞
關河迴首便千里
飛錫南歸詎可知

贈僧

前人

繁華舉世皆如夢，今古何人肯暫閒。
唯有東林學禪客，白頭閒坐對青山。

上柏梯寺懷舊僧二首

司空圖

雲根禪客居，皆說舊無廬。
松日明金像，山風一作苔響木魚。
依棲應不阻，名利本來疎。
縱有人相問，林間懶折書。

二

高鴉隔谷見，路轉寺西門。
塔影蔭泉脉，山苗侵燒痕。
鐘疎含杳靄，閣一作迥亘黃昏。
更待他僧到，長如前信存。

寄懷元秀上人

鄭谷

悠悠干祿利，草草廢漁樵。身世堪惆悵，風騷頓頽頽。

集作頽頽 寂

寥高秋期步，野積雨放趨。朝得句如相憶，莎齋且見招。

以下七篇並見集本

次韻和秀上人遊南五臺

前人

中峯曾到處，題記沒蒼苔。振錫傳深谷，翻經想舊臺。危

松臨砌偃，驚鹿驀溪來。內殿御

集作評

詩切

師以文章應制

身迴

心未迴

贈圓昉公

昉蜀僧僖宗幸蜀昉堅免紫衣

前人

天階讓紫衣冷格鶴猶卑道勝嫌名出身閒覺老遲曉

集作晚

香延宿火寒碧度高枝每說長松寺他年與我期

居長松山

贈信美寺岑上人

前人

巡禮諸方遍湘南頗有緣焚香老山寺乞食向江船紗碧籠名畫燈寒照淨禪我來能永日蓮漏滴寒泉

集作塔前

寄贈詩僧秀公

前人

靈一心傳清塞心可公吟後礎公吟近來雅道相親少
唯仰吾師所得深好句未停無暇日舊山歸老有東林
冷曹孤宦甘寥落多謝携筇數訪尋

重陽日訪元秀上人

前人

紅葉黃花秋景寬醉吟朝夕在樊川却嫌今日登山俗
共與集作且共高僧對榻眠別畫長懷吳寺壁宜茶偏賞雪
溪泉歸來童稚爭相笑何事無人與酒船

贈日東鑒禪師

前人

故國無心度

集作渡

海潮老禪方丈倚中條夜深雨絕松

堂靜一點飛

集作山

螢照寂寥

此詩二百六十四卷重出今已削去注異同為一

作

送日東僧遊天台

楊夔

一瓶離日外行指赤城中去自重雲下來從積水東攀
蘿躋石徑挂錫憩松風回首鷄林道唯應夢想通

登福州南澗寺

周朴

萬里重山遶福州南橫一道見溪流天邊飛鳥東西沒
塵裏行人早晚休曉日春山當大海連雲古塹對高樓
那堪望斷他鄉目

一作外
又作客

只此蕭條自白頭

贈雙峯山和尚

前人

峩峩雙髻山瀑布瀉雲間塵世自疑水禪門長去關
神松不異藏寶石俱閒向此師清業如何方可攀

贈無了禪師

前人

不學世所惜是何無了公靈

一作雲

匡虛院外虎跡亂山

中晝夜必連去古今爭敢同禪情豈堪問問答更無窮

送僧

杜荀鶴

道了亦未了言閒今且閒從來無住處此去向何山片

石樹陰下斜陽潭影間請師留別偈集作偈別恐不到人寰

以下七篇並見集本

和劉評事送海一禪師歸山 前人

內集作衲外元無象言尋那路尋問禪將底說傳印得何

心未了羣山淺能集作難休一室深伏魔寧是獸巢頂亦

飛禽觀色風驅霧聽聲雪灑林况當幽隱處集作几歸是歸處

未必在高岑

集作不必指高岑

送紫陽僧歸廬岳舊寺

前人

紫衣明主贈歸寺感先師受業恩難報開堂影不知松風歌枕夜山雪上樓時此際無人會微吟復斂眉

秋宿詩僧雲英院

集作房

因贈

前人

賈島憐無可都緣數句詩君雖是後輩我謂過當時溪浪和星動松陰帶鶴移集作同吟到明坐此道澹誰知

贈老僧

前人

衆僧尊夏臘靈岳遍曾登渡水手中杖行山溪畔藤心
空默是印眉白雪為稜自得巡方道棲禪老一作向未能

贈僧

前人

利門名路兩無憑百歲風前短焰燈只恐為僧僧一作心

不了為僧心一作得了總一作盡輸僧

此詩一百六十四卷重出今已削去注異同為一

作

山寺老僧

前人

草鞞無塵心地閒，靜隨猿鳥過寒暄。
眼昏齒落經首遍，却向僧中總不言。

贈鏡亭清越上人

張喬

海畔與窮邊，歸來二十年。
久閒時得句，漸老不離禪。
砌木歌臨水，窻蓬一作直倚天。
猶期白雲裏，別掃石牀眠。

贈仰山禪師

前人

仰山因久住，天下仰山名。
井邑身雖到，林泉性本清。
野

雲看處盡江月定時明
髣髴曾相識今來隔幾生

贈初上人

前人

竹色覆禪棲幽禽遶院啼
空門無去住行客自東西
井氣春來歇庭枝雪後低
相看念山水盡日話曹溪

聞仰山禪師歸曹溪因贈

前人

曹溪松下路猿鳥重相親
四海求玄理千峯遶定身
異花天上墮靈草雪中春
自惜經行處焚香禮舊真

贈碁僧侶

前人

機謀時未有多向奕碁銷已與山僧敵無令海客饒靜

驅雲陣起

一作出

踈點鴈行遙夜雨如相憶松窓更見招

送新羅僧

前人

東來此學禪多病念佛緣把錫離巖寺收經上海船落

一作捲

帆鼓石火宿島汲瓶泉永向扶桑老知無再少年

送僧雅覺歸東海

前人

山川心地內一念即千重老別關中寺秋歸海外峯鳥
行來有路帆影去無蹤幾夜波濤息先聞本國鐘

送僧鸞歸蜀寧親

前人

歌詩精外學夫子是知音坐夏宮鐘近寧親劔閣深高
名徹西國舊跡寄東林自此棲禪者因師滿蜀吟

贈頭陀僧

前人

自說年深別石橋遍遊靈跡熟南朝已知世路皆虛幻
不覺空門是寂寥滄海附船浮浪久碧山尋塔上雲遙
如今竹院藏衰老一點寒燈弟子燒

贈棲白大師

張翥

剃髮得時名僧應別應星偶題皆有詔閒論便成經掃
葉寒燒鼎融冰曉注瓶長因內齋出多客叩禪扃

贈聞一上人

前人

見面雖年少聞名似白頭玄談窮釋旨清思掩詩流果
一作巢落痕生砌松高影上樓壇場在三殿應召入焚脩

贈可倫上人

前人

師教本於空流來不自東脩從多劫後行出眾人中衲
冷湖山雨幡輕海甸風游吳累夏講還與虎溪同

寄法乾寺令諲大師

前人

師居中禁寺外請已無緣望幸唯脩偈承恩不亂禪院

多仙藥種

集作種藥

池有化生蓮何日龍宮裏相尋借法船

寄太白禪師

前人

何年萬仞頂獨有坐禪僧客上應無路人傳或見燈齋

厨

一作盂

唯有椽講石任生藤遙想東林社如師誰復能

送南海僧遊蜀

前人

真脩絕故鄉一衲度暄涼此世能先覺他生豈再忘定

中船過海臘後路沿湘野迴鴉隨笠山深虎背囊瀑流
垂石室蘿蔓盖銅梁却後何年會西方有上房

雲居長老

王貞白

巖路躡雲上來叅出世僧松高半巖雪竹覆一溪水不
說有為法非傳無盡燈了然方寸內應祇見南能

寄洪正師

羅隱

寄蹇渾成跡經年帶疑杜南價輕猶有二足剛已過三

鷄肋曹公忽猪肝仲叔慙會應謀避地依約近禪庵

寄無相禪師

前人

老住西峯第幾層為師迴首憶南能有緣有相集作想應

非佛無我無人始是僧爛椹作袍名復利鑠經集作金為

講愛兼憎何如一衲塵埃外日日香煙夜夜燈

送誓光大師師以草書應制

前人

禹祠分手戴灣逢健筆尋知達九重聖主賜衣憐絕藝
侍臣摘藻許高蹤寧親久別街西寺待詔初離海上峰
一種苦心師得了不須迴首笑龍鍾

慈恩寺貽楚霄上人

曹松

在秦生楚思波浪接禪關塔礙高秋鳥窓藏白日山樹

陰移草上岸色透林

集作庭

間樓

集作人

內談經徹空携講

疏還

關山寄詩贈清越

前人

不醉秦中酒冥心祇似師望山吟過日伴鶴立多時溝
遠流聲細林寒綠色遲庵西蘿月夕重得話空期

薦福寺贈棲白大師

前人

才子紫檀衣明君寵顧時講昇高座懶書答重臣遲瓶
勢傾圓頂刀聲落碎髭還聞穿內去隨駕進新詩

青龍寺贈雲顥法師

前人

紫檀衣且香春殿日尤長此地開新講何山鎖舊房僧
名喧北闕禪印續南方莫惜青蓮喻秦人聽未忘

貽住山僧

前人

罷講巡巖塢無窮得野情臘高猶伴鹿夏滿不歸城雲
朶緣崖發峯陰截水清自然雙洗耳唯任白毫生

送德光禪師

前人

天涯緣事了又造石霜微不以千峯險
唯將獨影歸有為嫌假佛無境是真機
到後流沙錫何時更有飛

送乞雨禪師遊南遊

前人

活得枯焦耕者知巡方又欲向天涯
珠穿閩國菩提子杖把靈峯柳栗枝
春蘚任封降虎石夜雷從傍養龍池
生緣在地南浮去自此孤雲不可期

廣州貽匡緒法師

前人

口宣微密不思議不是除貪即誠癡祇待外方緣了日
爭看內殿詔來時週迴海樹侵階疾迢遞江潮應井遲
畢竟懶過高坐寺未能全讓法雲師

江南逢僧省文

前人

高僧不負雪峯期却伴青霞入翠微七葉巖前霜欲降
九松枝上鶴初歸風生碧澗魚龍躍威震金樓燕雀飛
想得白蓮花上月蒲山猶帶舊光輝

不出院僧

裴說

四遠叅尋徧脩行却不行耳邊無俗語門外是前生塔
見移來影鐘聞過去聲一齋唯默坐應笑我營營

湖外寄處賓上人

前人

恠得意相親高携一軸新能搜大雅句不似小乘人嶽
麓擎枯檜瀟湘吐白蘋他年遇同道為我話風塵

寄貫休

前人

憶昔與吾師山中靜

一作精

論時總無方是法難得始為

詩凍犬眠乾葉饑禽啄病梨他年白蓮

一作雲

社猶許重

相期

寄僧尚顏

前人

曾居五老峯所得共誰同才大天全與吟精楚欲空客
來庭減日鳥過竹生風早晚搖輕拂集作金錫重歸瀑布中

文苑英華卷二百二十四